

**Naaja H. Nathanielsen  
Attaviitsoq**

Nuuk 14. april 2016

Inatsisartut suleriaasianni § 37 naapertorlugu Naalakkersuisunut matumuuna apeqquteqaateqarpunga ukuninnga:

- 1. Nunatta kujataani piniarnermut nakkutilliisup assilisaata takuteqqippaa appaqassutsip kinguariartupiloornera. Assit nutaat kujataaneersut Naalakkersuisut timmissanut nalunaarutissap allanngornissaanik pissutissaqalersinngilai?**
- 2. Naalakkersuisut upernaakkut piniartarnek sivitsorniarpaat imminut pilersorsinnaaneq ikiorserniarlugu. Tamannalu uumassoqassuseq tunngavigalugu siunnersuinermit toqqaannartumik akerliuvoq. Naalakkersuisut eqqarsaatigisimavaat imminut pilersorsinnaaneq ajornartorsiornerulissasoq, appat nungutaappata? Soormitaavaana tamanna nalilersuineq pingaartinneqarnerunngitsoq, mianersornissamik tunngaveqarnissaq eqqarsaatigalugu.**
- 3. Aalisarnermut , piniarnermut nunalerinermullu Naalakkersuisup januarimi allaffigaanga kulturitsinniinngitsoq piniagassanik nungusaaneq. Ilumut taamaassimassappat, soormitaavaana pisuussutivut uumassusillit killilersorneqartartut. Naalakkersuisut isumaqarpat killilersuinerit tamarmik unitsinneqassasut imaluunniit Naalakkersuisunit piniagassaqaassutsip aalisagaqaassutsillu aqunneqarnerani killilersuisarnerit ajunngitsutut isigineqarpat?**
- 4. Qaqugu timmissanut nalunaarut naammassineqassasoq ilimagisinnaavarput?**

(Inatsisartuni ilaasortaq, Naaja H. Nathanielsen)

### **Tunngavilersuut**

Januarimi<sup>1</sup> inatsisartut suleriaasianni § 37 naapertorlu appanniattarneq pillugu timmissanullu nalunaarusiaq atuutilerumaartussa q pillugu Naalakkersuisunut apeqquteqaateqarninni eqqumiilluinnaqqissaartumik akissutisivunga. Aalisarnermut, piniarnermut nunalerinermullu Naalakkersuisoq tunngavilersuivoq appat eqqissisimatilerneqarsinnaanngitsut meeqqat kinaassutsiminnut atatillugu nerisarisartagaasunik ilikkannngitsoorsinnaammata eqqissisimatilerneqaralarpata. Illua'tungaatigut aamma oqartoqarsinnaavoq appat nungunneqarpata kinguaassatta appat ilikkarniaviannngikkaat. Maanna saqqummerpoq kujataani piniarnermut nakkutilliisup paasisimaga Tupersuatuuni appaqarfik ikinneroqisunik appaqalersimasoq. Ernumassuteqarnerup patsiseqarnera naqissuserneqarpoq. Eqqarsatigaara qanoq sivistigisumik Naalakkersuisut paasisutissanut isiginngitsuusaaginnassanersut, naalakkersuinikkut anguniakkanut uniuuttuunera pissutigalugu tunngaviumillu killilersuisarnissamat nalimmassaanernullu akerliuneq pissutiginnarlugu.

Ullut qulit suliffiusut ingerlaneranni akineqareernissara kissaatigaara.

---

<sup>1</sup> [http://inatsisartut.gl/documents/para3637/2016/svar/010\\_Lomvier\\_najn\\_svar.pdf](http://inatsisartut.gl/documents/para3637/2016/svar/010_Lomvier_najn_svar.pdf)

[http://inatsisartut.gl/documents/para3637/2016/svar/010\\_Lomvier\\_najn\\_akissut.pdf](http://inatsisartut.gl/documents/para3637/2016/svar/010_Lomvier_najn_akissut.pdf)